

漁洋山人感舊集

乾

感舊集卷九

漁洋山人選

德州盧見曾補傳

宋 琬四十四首補遺二首

琬字玉叔號荔裳山東萊陽人順治丙戌進士官四川按察使有安雅堂集

漁洋詩話康熙辛亥宋荔裳施愚山皆集京師與余兄弟倡和最久明年荔裳補官蜀臬余典蜀試先後出都門余以十月下峽荔裳以明年春上峽遂不相見是歲荔裳入覲歿於京師後二十八年荔裳子思勃來京師以入蜀集相示畧具一二短章於此次黃州云賦成赤壁人如夢江到黃州夜有聲憶故鄉海錯銀刀魚云銀花爛漫委筠篴錦帶吳鉤總增長千載專諸留俠骨至今匕箸尚飛霜筆管煙云雕蟲小技舊知名食邑由來號管城曾與江郎書恨賦莫將刀筆博公卿題督郵爭界石云蜀國至今悲杜宇楚人終是戀鴻溝池北偶談康熙以來詩人無出南施北宋之右施愚山宋荔裳也宋詩頗擬放翁五言古歌行時闢杜韓之與壬子春在京師求余定其詩筆爲三十卷其秋與余先後入蜀明年宋入覲蜀亂妻孥皆寄成都宋歿京邸此集不知流落何地矣

按安雅堂集刻於康熙己卯已失漁洋所定原本並梅村原序失之其族孫邦憲補刻拾遺六卷而冠以吳序節錄於後當萬歷之中葉海內文氣衰茶萊陽宋氏獨以學古攻文辭鳴鴻生峻儒後先

輩望而吾友故司空九青在其間尤稱絕出繼九青而起者又得吾友玉叔玉叔天才備上接聞父兄典訓胚胎前光甘嗜文學自九青之存畧畧乎欲遲遲而競爽盛年值際興運綰綬登朝羽儀京

國不可謂不遭時也而仍見寔路用經浮繫於理凡決月而獲滿校還官郎署出調外省其才情雋麗格合聲諧明豔如華溫潤如璧而撫時觸事類多淒清激宕之調又如秋隼盤空嶺猿啼夜境事既極亦復不盡於和平庶幾乎備文質而兼雅怨者竊幸典型之未淪希大雅之復作因爲推本其所自來有得於天之成就者如此欲使世之習讀者知統繫在斯相與珍重而虔奉之也

雪夜蘋園聽何山人彈琴歌

殘雪峨峨照金罍主人置酒臨高臺座中有客操綠綺使我徒御皆心哀寒風蕭瑟空堂裏一曲未終栖雅起忽疑空山雷雨過倒挂飛流聲齒齒又如班馬之羣鳴千騎萬騎行復止山人本自雍門客長裾恥向王侯宅結友偏多俠少場貧來獨有丹青癖醉時攜得虎頭筆滿壁煙雲峯削戍生綃高捲洞庭雲綵毫孤映蓬萊日絲桐筆墨各有神琴理眞從圖繪出水仙海上霧濛濛廣陵絕調隨林風絃際何由識今古胸無邱壑難爲工伊余自歎嬰塵鞅五嶽空懷何日往煩君爲鼓一再行能令宗炳羣山響趙郎善手寫金徽更爲變徵淚霑衣明月疎鐘兩搖落滿地清霜鴻雁飛

送何葵如歸里

年年作客雁先還
纔說歸期鬢已斑
落日片帆天際遠
那能相送鶴兒山

蜥蜴行

退食苦炎熱披襟聊散帙
青蠅何營營室小厭充溢
智勇兩無施未可張羅畢
承塵多蜥蜴三五相儔匹
見蠅忽如怒奮迅搖其乙
須臾翻靜嘿臨敵轉恐慄
將邇復斂身欲動或屈膝
攻取勢多端精神乃專一
青蠅一何愚忘情似親暱
呼吸飽脣吻百試不一失
未卽盡驅除去我心所嫉
吁嗟此小蟲暗合兵家術
始焉弩在機終也刃出鞞

漆

釣臺歌贈馬蘭臺山人

九嶼山人聊翫世伏波將軍之苗裔家在漢陂紫閣間孤情獨與煙雲契彈箏叩缶
本秦聲裂芟爲衣皆楚製儒冠誤人幾半生秋風屢雪劉蕡涕長焚筆硯事丹青潑
墨吮毫稱絕藝橫皴酷似黃大癡細染還宗吳仲圭近代以來數文沈嘉隆而後作
者誰山人工意不工似匠心自出無專師盧龍山水頗不惡韓家釣臺尤最奇一峯
高入白雲裏登樓坐見滄海湄游人欲繪每束手譬如寫照難鬚眉一日坐我悠然
堂解衣盤礴無人窺須臾圖成挂諸壁高巖遂谷光參差瀨澹旋渦漁艇立窈冥洞
口煙蘿垂主人韓生有狂癖此臺自爾高曾貽見圖再拜悲且喜重之不啻商尊彝
便買貞珉勒山側酌酒欲告山靈知山人此別欲何往贈汝一枝筇竹杖避世宜從
麋鹿羣結廬高臥仙人掌寧恤牀頭妻子飢要令胸中邱壑長我今持節越王城蘭
渚剡溪恣偃仰預拂霜綃以待君一揮欲使羣山響記取雪深一丈時山人須鼓山

陰榮

清水道中

隴阪高無極
清秋望更賒
石林千疊水
版屋幾人家
古驛羊酥飯
空山燕麥花
停驂問耆舊
井稅說頻加

燕子

燕子何時到
三春遼海西
不嫌官舍冷
來傍畫梁棲
風雨爲巢苦
雌雄置力齊
吾家有孤姪
黽勉屬山妻

驛夜

濁酒更深醉
不辭短檠疎
簾怯涼颼樓
邊哀雁飛何
早海上鱸魚
歸又遲銀漢
欲斜爲客夜
金釵初墜憶
眠時空閨應
有刀環夢泣
向流黃說髩
絲

邢州初度

迢遞關山木葉稀故園又負釣魚磯
明河射角夜將半秋露如珠客未歸
蟋蟀多愁啼復咽寒螢無力倦還飛
誰知八月乘槎者猶著單衫越布衣

登西嶽廟萬壽閣

咸京西望接平蕪下界陰晴乍有無
九曲流從星宿海五陵煙鎖帝王都
蓮華弄影空青落瀑布當窗雪練鋪
咫尺三峯聊徙倚不須探笈索真圖

登華嶽作

獨上鉤梯覽大荒秦關終古氣蒼蒼
天開閭闔纔尋尺地界離梁入渺茫
五粒松搖羣帝珮三槩露浥百神觴
仙人方罽青冥上更欲凌風度石梁

松風謾謾步虛聲杖策高尋衛叔卿
星近祠壇光欲墮月臨仙掌夜偏明
扶桑萬里

天雞曙箭括三更石馬鳴誰信揚雄善詞賦不將綵筆記層城

鸚鵡

雕籠萬里託征鞍辛苦何辭行路難幽閣恰添嬌女伴方音猶作部民看且分薄俸
供秔稻莫遺春風瘁羽翰流水隴頭相憶否朔雲邊月不勝寒

詠史

古聖貴遠猷經邦戒謀始秦穆殺三良亂命一朝耳安知家法垂視人猶犬豕數傳
至祖龍赫怒六王死諸生竟何辜阮之咸陽里勿嗟新法酷孫謀在前史

少卿陷狼荒司馬爲歎息上書坐腐刑公卿弗爲力洛陽賈豎子牧羊拜高職窮愁
著萬言發憤攄胸臆結交慕游俠多財思貨殖名山今則傳銜冤竟誰直

秦兵圍邯鄲信陵抱深恥一邀朱亥行能使侯嬴死談笑却狂氛連城棄如屣驅車

返大梁謝罪居田里悲歌築糟邱壯心付牀第英雄作達人陋彼三公子

太尉血未碧無敢瘞骸骨綠幘爾何人哀哀夏門卒偉哉門下士左手提章鉞備身
託六尺宗祊未淪汨種松期歲寒觀人在倉卒使居高后時可以爲周勃

應侯旣得志誓漆魏齊首急難有虞卿棄印與俱走無計抗秦威甘心在窮叟豈如
孫賓石複壁藏死友成毀安足論二子俱不朽古道良若茲今人以爲否

崔生良史才博物綜墳典著書仿漢紀金石垂斑管春秋諱定哀本朝必歸善奈何
昧斯義坐歎宗支翦同時載筆人青宮出諸險危哉太史遷宮刑猶幸免

魯史多傳疑石言表於晉所言夫如何尼父未嘗訊或曰物所憑此理差足信孤臣
孽子魂千年豈能詔滔滔水東逝青山共磨磷師曠失其聰九原復誰問

我僕行丐歸不虞明日飯香粒白如玉未飽身已健鼯鼠率其羣嚙嚙僅盈寸噬肯
念予飢但欲充爾膺設羅當穴口小童不勝慙貪饕禍所聚黠巧奚能遜畏人仍奉
首磬折如九頓我心方惻惻弗忍誅其困懽然脫拘絀三窟縱橫奔釋氏等冤親先
民戒滋蔓豈若兩相忘可與達者論

古銀槎歌

我有匣中銀鑿落碧山山人所作背鏤至正壬寅字點畫形模今宛若斷節枯根
紛錯糾中有仙人博望侯衣冠甚古鬚髯蒼飄飄一似乘孤舟肘後惜無筇竹杖袖
中或有安石榴人言八月泛天漢支機石畔逢牽牛奇事流傳見圖畫鍛師何意窮
雕鏤當年親致汗血馬飽歷條支經大夏安知骨貌久銷歇供人把玩充杯斚金人
已去栢梁臺玉液常沾白蓮社嗟我瓠落溝斷同潦倒賴爾衰顏紅有酒如澠不稱

意欲求仙術尋壺公跳身此槎之腹中窮源再入馮夷宮爲侯改號鷗夷翁胡爲低
眉偃蹇在塵世枕蛟騎虎愁吾躬

市驢行

回伯寺前黃紙下黔首不得畜匹馬輸官者後罪無赦驟駢驂驢棄中野走馬糞田
史有書房星天駟光模糊柴車犇犇驚噉噉負軛者誰大宛駒五陵富兒顧厮養蹇
驢價出龍媒上青絲作鞭金絡頭驕嘶奮鬣行長楸

挂劍臺

在張
秋鎮

延陵季札賢公子腰下芙蓉淬秋水一片心期不忍寒蕭蕭隴樹虹霓紫歷聘諸侯
未反命魚腸剗刃王僚死躬耕三讓宗家法吳邦不受輕如厓闔閭枉自鑄黃金屬
鏤不以誅奸慝當時列辟尙權衡劍客縱橫仁義否君臣父子競相屠谷風之刺徒

爲耳公子深憂在萬古聊因死友扶人紀縞紵非無勝與僑千金獨向徐君委竭來
酌酒想遺風荒臺半圯埋寒叢麒麟寂寞一抔土誰其樹之松柏桐人言墓草似干
將轆轤鐔鼻將無同三十年來不復甲枯根或化爲蛟龍水湯湯兮風烈烈篝火黃
昏讀殘碣金石有時銷此誼長不滅君不見交態紛紛等阡陌任昉門前無弔客

贈鄭汝器歌

近代八分復何有專家獨讓莆田叟作者紛紛祖唐隸臃腫支離轉醜鄭君博物
饒天姿書法遒勁多離奇老筆縱橫森劒戟尺幅光怪盤蛟螭大書徑尺懸鼉鳳彷彿
再見嶧山碑家藏圖書半秦漢陳倉石鼓宣王詩峒嶧傳疑夏王禹之罘篆刻丞
相斯縹緗卷帙各精好巖搜壑剔將無遺我來焚香肆展閱神游三代觀鼎彝主人
愛客出斗酒高齋月午桐陰移況復髯兄善豪飲醉揮三百金屈卮君從壁上觀人

醉獨踞匡牀作奇字潑墨淋漓四座驚咫尺蒼茫風雨至昔我持節隴首經磨洗中
郎鄙閣銘會將什襲稱雙絕置向浮嵐暖翠亭

張幼量古劍歌

有客傳書滄海東貽我寶劍光熊熊龍鱗鳳脊不復識開篋蜿蜒生白虹張君今之
魏公子好古懷奇性所喜急難偏憐趙勝危虛恭能使侯嬴死一朝剗地出湛盧雌
雄再向豐城起拭以華陰山下之紫泥濯以浩汗東流大江水鵬鷁寒光不可藏星
辰夜閉珊瑚甌銳頭奚兒虬作鬚三尺錦囊常負趨攜舞樽前聊娛客空堂似有蛟
龍呼五陵貴人欲相奪君執不可顏色沮酒酣顧余恒促膝笑指蒼天凌皎日何由
邂逅有心人脫手霜鐔佩其一戈鋌沸地箭滿眼未肯須臾暫相失故人臥病久離
羣豈意寒暄到白雲參差宛帶芙蓉影滅沒還疑蜥蜴文冰雪交情有如此始知世

上空紛紛自昔神物稱難遇春日蒼茫隔煙樹報君遙盼塞鴻飛挂壁蕭蕭走風雨
送顧勉齋督餉關中

柳色依依邊馬鳴故人萬里賦西征漢江舊繞褒斜谷蜀道新懸驃騎營磧裏梅花
春不度樓中羌笛夜偏清相看懷抱蕭條盡隴水秦雲雁幾聲

竹罌草堂歌

嚠城朱松鄰白門濮仲謙皆以竹器擅名

君不見練川朱生稱絕能昆刀善刻琅玕青仙翁對奕辨毫髮美人徙倚何娉婷石
壁巉巖入煙霧澗水松風似可聽鏤玉雕犀安足數玻瓈可碎犧尊腥白門濮生亦
其亞大樸不斷開新硎虬鬚削盡見龍蛻輪囷蟠屈鴟夷形匠心奇創古無有區區
荷鍾羞劉伶妙製流傳眞者少何侯得之爲異寶大書深刻作堂額客至登堂多不
曉我來問名請縱觀錦笥纔開稱絕倒黃侔蒸栗纈且堅潤比瓊琚兼肉好何侯啖

我燒羊腍華髮臨風除白袷階列唐昌觀裏花欄餘甫里先生鳴美酒元從白墮傳
新篳更得青州法南人不慣北人歡繩牀坐聽糟牀壓君不見蔡邕笛千年人去亭
名柯詎若龍鍾古節大如斗真堪一日十摩挲銅盤絳燭朱顏酖升君之堂爲君歌
年來已厭烏程釀客中十斛須相餉沙棠樹下牡丹叢蓓蕾計日應全放殷勤欲倩
好風吹痛飲還期明月上預勅雙童洗竹罍待余醉臥青絲幃

贈馬參戎

君昔銜命越臨洮少年意氣何雄驍狐白之裘秦復陶袴豪秣首烏孫刀雪深草淺
牽旅獒手格猛獸如童羔綠熊赤豹遠遯逃生取蒼兕拔其釐屯田蕪沒愁耘薶黃
沙磧裏飛蓬蒿金城戍卒飢嗷嗷翁孫刀略徒煩勞安西都護醉蒲萄誅求絡繹窮
秋毫旋從丞相征哀牢五月渡瀘入不毛苴蘭城下血戰鑿蠶叢鐵馬隨猿猱李廣

數奇功則高猿臂不得擁旌旄長嘯歸來脫錦袍黃公酒罏換濁醪鱸魚三寸尊可
芼安能俯仰同桔槔美人環珮逢江臯感君一曲求凰操溫柔有鄉堪醅醕何勞錦
字貽寶浴霸陵醉尉空嘈嘈吳鈎夜作蛟龍號孫盧餘孽作風濤天威赫怒集征艘
樓船十萬聲喧囂何人爲薦公孫敖整弧重繡解弓弣洗清瘴海爲城濠雲臺圖畫
鄂與襄道傍笳鼓驚兒曹丈夫窮達信所遭

剡溪道中作

昔人乘雪往而我溯風行萬壑穿雲轉孤舟與石爭魚游寒水見鷗立夕陽明安道
留遺宅寥寥千載名

申園同姜如農作

舊與張常侍同吟桂樹歌重來松鼠大相對渚禽多花氣侵衣袖茶煙隔薜蘿終焉

遂疎嬾白首問漁蓑

百尺辛夷樹春秋兩度花
游人紛作賦園叟至今誇
池水通吳苑鶯啼過阮家
隔離施枕簟歸臥月方斜

檢閱故人姜貧簪遺纛泣然有作

宿草萋萋幾度春招魂不返大江濱
安知嗣祖非爲福況有要離可作鄰
良友心期違楚些孤兒風貌是吳人
西風似箭吹殘燭三復遺文淚滿巾

烏聲

三匝棲烏夢不安哀鳴睥睨曉霜寒
豈云蕩子從軍樂似訴征人行路難
金井曉鶯梧乍脫白門樓閣柳初殘
賤臣哭後頭終黑腸斷當年太子丹

贈陸君暘